

SCRIPTA

Numéro Scripta : 5060

Auteur(s) : Adrien IV [pape]

Bénéficiaire(s) : Richard, Savigny-le-Vieux, Sainte-Trinité de Savigny (abbaye, abbé)

Genre d'acte : bulle

Authenticité : non suspect

Datation : 1155, 5 février

Lieu d'émission : Rome

Action juridique : confirmation

Langue du texte : latin

Analyse

Le pape Adrien [IV] confirme à l'abbé R[ichard] de Savigny le règlement de la controverse survenue entre ce dernier et le doyen Guillaume de Bayeux sur les dîmes et les bénéfices ecclésiastiques de Thaon, arrangé par les évêques T[hibaud] de Paris et B[audoin] de Noyon par ordre du pape Anastase [IV].

Tableau de la tradition

Éditions principales

a. Ramackers Johannes, *Papsturkunden in Frankreich*, Neue Folge 2 Normandie, Göttingen, Vandenhoeck & Ruprecht (Abhandlungen der Gesellschaft der Wissenschaften zu Göttingen. Philologisch-historische Klasse, 21), 1937, 2 vol., n° 82, p. 168.

Indications

Jaffé Philippe, Wattenbach Wilhelm, *Regesta pontificum Romanorum ab condita ecclesia ad annum post Christum natum MCXCVIII* 2^{ed.}, Leipzig, Veit, 1885-1888, 2 vol., n° 9992, t. 2, p. 106.

Dissertation critique

Datation proposée par J. Ramackers.

Texte établi d'après a

Adrianus episcopus seruus seruorum Dei. Dilecto filio R. Sauiniacensi abbati salutem et apostolicam benedictionem. Sicut equum est et officio religioso conueniens, ut mergentes inter uiros ecclesiasticos controuersie concordia uel iudicio terminentur, ita quidem ordo exigit rationis, ut ad materiam iurgiorum tollendam e medio et omnem locum ad sopita litigia suscitanda partibus obstruendum, que rationabiliter finita sunt, auctoritate apostolica confirmentur et ad posterorum memoriam scripture fidei committantur. Cum autem inter commissam tibi ecclesiam et Guillelmum Baiocensem decanum super decimis et aliis ecclesiasticis beneficiis terre tue de Taun controuersia emersisset et tu ad aures bone memorie pape Anastasii antecessoris nostri querimoniam detulisses, ipse causam hanc uenerabilibus fratribus nostris t. Parisiensi et B. Nouiomensi episcopis remoto appellationis obstaculo audiendam terminandamque commisit. Ipsi autem utraque parte ante suam presentiam euocata, quoniam te tuam eis exhibente presentiam altera pars legitime citata ad iudicium eorum ire contempsit, ad cognitionem

eiusdem cause, sicut in mandatis acceperant, processerunt et rationibus tuis diligenter auditis et plenarie cognitis, testibus quoque receptis atque iuratis te commissamque tibi ecclesiam ab impetitione alterius partis super illis decimis ac beneficiis ecclesiasticis absoluerunt et ea penes monasterium tuum integre et quiete decreuerunt omni tempore residere. Quorum utique sententiam nos etiam cum fratribus nostris ratam habentes tam super questione proprietatis quam possessionis te ac monasterium tuum liberum et quietum ab impetitione episcopi et canonicorum Baiocensium omni tempore manere sancimus. Nulli ergo etc. Si quis autem etc. Dat. Rom. apud sanctum Petrum non. febr.